

福山縣單一翁索

單公好鍊性溫柔休似從前分外求猿馬引心迷假合虎龍入  
腹應真修清中玉姹歌無歇靜裏金嬰舞不休固守根源丹自  
結功成行滿赴瀛洲

贈黃縣馬從仕

爲人須要笑哈哈對月臨風好把杯閑悶閑愁閑放下自寬自  
樂自無災無爲清淨登仙路坦蕩逍遙上寶臺若悟如斯爲活  
計大家雲步赴蓬萊

加持馬從仕宅醮

悟來樂道恣情哈哈醮食須求麪一杯幸遇黃冠行法事助他清  
道藏輯要

洞玄金玉集

全

胃集六

醮謹禳災加持潔已居環堵追薦亡靈上玉臺瑞氣祥雲相引  
去蟠桃賞翫宴蓬萊

和萊陽楊殿試韻

遐齡鳳歷不須推仁者從來勝壽眉鄉老盡傳鄉行好道人又  
許道心奇奈何性上攀緣累怎得玄中奧妙知但願賢家開悟  
早同歸蓬島禮真師

又

遇予便合認真常性月靈靈圓更方忻處茅菴辭峻宇喜陪籬  
障棄高墻勤修元首三清舉遠勝名魁四選場定是將來仙得  
做何須求問治膏肓